



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: KSI-09-231/25

Datum: 31.12.2025. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po anonimnoj prijavi od 28.11.2025. godine, protiv L.Lj. član Vijeća nacionalnih manjina Brčko distrikta Bosne i Hercegovine, radi utvrđivanja sukoba interesa, Komisija za odlučivanje o sukobu interesa, na 141. sjednici održanoj dana 31.12.2025. godine, donosi

ODLUKU

Postupak za odlučivanje o sukobu interesa protiv L.Lj., nosioca javne funkcije, član Vijeća nacionalnih manjina Brčko distrikta Bosne i Hercegovine, neće se pokrenuti, obzirom da iz dokumentacije i radnji ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 28.11.2025. godine Komisija za odlučivanje o sukobu interesa je zaprimila anonimnu prijavu protiv L.Lj. iz Brčkog, [REDACTED], koja je obavljala javnu funkciju, do 21.05.2025. godine kao član Vijeća nacionalnih manjina Brčko distrikta Bosne i Hercegovine, u kojoj se, između ostalog, navodi postojanje osnova sumnje na zloupotrebu službenog položaja, sukoba interesa i korupcije u Fondu zdravstvenog osiguranja Brčko distrikt BiH. Nadalje navodi da šefica službe za zdravstvenu zaštitu u Fondu zdravstvenog osiguranja Brčko distrikt BiH formalno pregovara i priprema ugovore sa kliničkim centrima, utvrđuje cijene zdravstvenih usluga čime direktno utiče na finansijske odredbe ugovora. Iskoristila je svoj službeni položaj da dogovori angažman ljekara iz kliničkih centara i bolnica sa kojima Fond zdravstvenog osiguranja Brčko distrikt BiH ima potpisane ugovore kako bi obavljali zdravstvene usluge u privatnoj zdravstvenoj ustanovi Pro vita medika koje je vlasništvo M.R. inače kuma šefice službe za zdravstvenu zaštitu u Fondu zdravstvenog osiguranja Brčko distrikt BiH. Napominje da šefica službe ima potpisan ugovor o zakupu poslovnog prostora, i da je isti iznajmila svom kumu M.R. u kojem posluje privatna zdravstvena ustanova Pro vita medika. Ukupan promet kumove ustanove preko Fonda, u poslednjih nekoliko godina premašuje iznos od 1.000.000,00 KM (milion KM). Način na koji pacijenti odlaze u privatne zdravstvene ustanove u Brčkom je bio u službi šefice što pokazuje sistemsku zloupotrebu službenog položaja i sukob interesa. Postoje indicije i da sama šefica obavlja poslove za ovu ustanovu kod knjigovođe i poslovne banke na način polaganja pazara i slično, a što ukazuje na mogućnost manipulacije finansijskim tokovima i prikrivanju stvarne dobiti.

Uvidom u dokumentaciju koju posjeduje Komisija utvrđeno je da je L.Lj. obavljala javnu funkciju do 21.05.2025. godine, na osnovu Odluke Skupštine Brčko distrikta Bosne i Hercegovine o imenovanju Vijeća nacionalnih manjina Brčko distrikta Bosne i Hercegovine, broj: 01-02-1450/22 od 06.04.2022. godine, kao član Vijeća nacionalnih manjina Brčko distrikta Bosne i Hercegovine.

Članom 2. tačkom b) propisano je da „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine (u daljnjem tekstu: Skupština), odnosno Vlada Brčko distrikta Bosne i Hercegovine (u daljnjem tekstu: Vlada), ukoliko drugim zakonom nije drugačije propisano. Tačkom c) navedenog člana Zakona propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lica koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 2. tačka e) propisano je da „povezano lice“ je član uže porodice, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije, dok je istim članom tačka f) propisano da je „član uže porodice“ bračni i vanbračni drug, usvojitelj, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja.

U cilju provjere navoda iz prijave da postoji sukob interesa, Komisija je po službenoj dužnosti pokrenula postupak provjere informacija i uputila dopis Osnovnom sudu – Registar preduzeća Brčko distrikta Bosne i Hercegovine, Odjeljenju za javni registar, Pododjeljenje za matičnu evidenciju Brčko, Agenciji za posredničke, informatičke i finansijske usluge Banja Luka, Bosna Banka International d.d. Sarajevo, Direkciji za finansije, Poreska uprava Brčko distrikt Bosne i Hercegovine, Direkciji za finansije, Trezor Brčko distrikt Bosne i Hercegovine, Fondu zdravstvenog osiguranja Brčko distrikt Bosne i Hercegovine.

Osnovni sud – Registar preduzeća Brčko distrikta Bosne i Hercegovine Komisiji je dostavio traženu dokumentaciju i to:

Aktuelni izvod iz sudskog registra Osnovnog suda Brčko distrikta Bosne i Hercegovine-Registar preduzeća, broj: 096-0-RegZ-25-004317 od 03.12.2025. godine, kojim je utvrđeno da je kao osnivač i direktor PZU - SC „Pro Vita Medica“ upisan M.R., a kao lica ovlaštena za zastupanje M.R., direktor i S. T., zakonski zastupnik. Rješenje o registraciji Osnovnog suda Brčko distrikta Bosne i Hercegovine, broj: 096-0-Reg-14-000143 od 17.02.2014. godine gdje je kao osnivač i direktor PZU-SC „Pro Vita Medica“ Brčko upisan M.R., a kao lica ovlaštena za zastupanje subjekta upisa M.R., direktor bez ograničenja ovlaštenja i S. T., zastupnik bez ograničenja ovlaštenja. Nadalje, dopisom Osnovnog suda Brčko distrikta Bosne i Hercegovine-Registar preduzeća, broj: 096-0-RegZ-25-004318 od 03.12.2025. godine navedeno je da L.Lj. ne prolazi kroz Registar preduzeća Osnovnog suda Brčko distrikta Bosne i Hercegovine kao osnivač, odnosno lice ovlašteno za zastupanje nekog pravnog lica/privrednog subjekta na području Brčko distrikta Bosne i Hercegovine.

Uvidom u dopis Odjeljenja za javni registar, Pododjeljenja za matičnu evidenciju Brčko broj:12-000002-61/25 od 09.12.2025. godine vidljivo je da M.R. nije bio svjedok prilikom sklapanja braka.

Nadalje, dopisom Agencije za posredničke, informatičke i finansijske usluge Banja Luka broj:22847-25-1 od 02.12.2025.godine utvrđeno je da L.Lj. ima otvorene račune kod dvije banke i to: „Naša banka“ a.d. Banja Luka i Bosna Bank International d.d. iz priloženih izvoda vidljivo je da osim uplate na ime zakupnine nije bilo drugih transakcija od strane PZU - SC „PROVITA MEDICA“.

Uvidom u dopis Direkcije za finansije – Poreska uprava Brčko distrikta Bosne i Hercegovine, broj: 14.09-04.3-2658/25 ŽS od 08.12.2025. godine utvrđeno je da L.Lj. ima zaključen ugovor o zakupu poslovnog prostora sa zakupoprincipcem PZU - SC „PROVITA MEDICA“ od 01.03.2014. godine uz mjesečnu naknadu od 550,00 KM, mnogo prije nego je stupio na snagu Zakon o sprečavanju sukoba interesa u institucijama Brčko distrikta Bosne i Hercegovine i prije nego što je imenovana za

nosioca javne funkcije, člana Vijeća nacionalnih manjina Brčko distrikta Bosne i Hercegovine. Nadalje, odgovorom na zahtjev od Direkcije za finansije – Trezor Brčko distrikta Bosne i Hercegovine, broj: 13.9-04.2-1407/25 od 08.12.2025. godine utvrđeno je da PZU SC „PROVITA MEDICA“ nije imalo donaciju, subvenciju, ili transfer za godišnji promet veći od 10.000,00 KM.

Fond zdravstvenog osiguranja Brčko distrikt Bosne i Hercegovine dopisom broj:015-180/1-6310/25 od 19.12.2025. godine, dostavilo je traženu dokumentaciju vezano za PZU SC „PROVITA MEDICA“ i to:

Nacrt Ugovora i Ugovor o pružanju usluga zdravstvene zaštite, broj:015-180/2-198/20 od 30.12.2020. godine, Nacrt Aneksa I Ugovora i Aneks I Ugovora, broj: 015-180/2-198/20-1 od 31.12.2021. godine, Nacrt Aneksa II Ugovora i Aneks II Ugovora, broj: 015-180/2-198/20-2 od 17.03.2022. godine, Nacrt Aneksa III Ugovora i Aneks III Ugovora, broj: 015-180/2-198/20-3 od 29.06.2022. godine, Nacrt Aneksa IV Ugovora i Aneks IV Ugovora, broj: 015-180/2-198/20-4 od 28.07.2022. godine, Nacrt Aneksa II Ugovora i Aneks II Ugovora, broj: 015-180/2-198/20-2 od 17.03.2022. godine, Nacrt Ugovora i Ugovor o pružanju usluga zdravstvene zaštite, broj:015-180/2-95/22 od 12.09.2022. godine, Nacrt Ugovora i Ugovor o pružanju usluga zdravstvene zaštite, broj:015-180/2-146/22 od 30.12.2022. godine, Nacrt Ugovora i Ugovor o pružanju usluga zdravstvene zaštite, broj:015-180/2-188/22 od 29.12.2023. godine, Nacrt Aneksa I Ugovora i Aneks I Ugovora, broj: 015-180/2-188/23-1 od 29.04.2024. godine, te tabelarni pregled ukupnog broja osiguranika njih 6075, koji su koristili zdravstvenu zaštitu u PZU-SC „PRO VITA MEDICA“ Brčko u periodu od 2021. godine zaključno sa 29.11.2025. godine, te je za pružanje njihovih usluga zdravstvene zaštite iz Fonda zdravstvenog osiguranja Brčko distrikt Bosne i Hercegovine isplaćeno PZU-SC „PRO VITA MEDICA“ Brčko iznos od 447.375,00 KM.

Takođe istim dopisom Fond zdravstvenog osiguranja Brčko distrikt Bosne i Hercegovine dostavio je i Odluku o metodologiji ugovaranja pružanja usluga zdravstvene zaštite u Brčko distriktu BiH, broj:015-180/7-UO-25/17 od 23.03.2017. godine, javni poziv za ugovaranja pružanja usluga zdravstvene zaštite za potrebe osiguranih lica Fonda, broj: 015-180/8-36/17 od 05.04.2017. godine, prijava za učešće po Javnom poziv za ugovaranja pružanja usluga zdravstvene zaštite za potrebe osiguranih lica Fonda od 20.04.2017. godine, Odluku o uslovima za ugovaranje pružanja usluga zdravstvene zaštite, broj: 015-180/7-UO-24/17 od 23.03.2017. godine, Odluku o imenovanju komisije, broj:015-180/8-37/17 od 05.04.2017. godine, Zapisnik i preporuka Komisije, broj: 015-180/8-37/17-5 od 28.04.2017. godine, dostava zapisnika, broj: 015-180/8-37/17-6 od 28.04.2017. godine, zapisnik i preporuka Komisije, broj: 015-180/8-37/17-7 od 22.05.2017. godine, Odluku o davanju saglasnosti za zaključivanje ugovora sa zdravstvenim ustanovama sa područja Brčko distrikta BiH, broj: 015-180/7-UO-49/17-5 od 01.06.2017. godine, Odluku o imenovanju komisije, broj:015-180/8-99/20 od 09.06.2020. godine, Izvod iz Pravilnika o unutrašnjoj organizaciji i sistematizaciji radnih mjesta u Fondu, sa opisom poslova za radno mjesto „Šef službe za zdravstvenu zaštitu“, Izvod iz zapisnika 6. redovne sjednice Upravnog odbora Fonda, Odluka o imenovanju komisije, broj:015-180/7-UO-63/17 od 21.06.2017. godine.

Iz navedenih priloga vidljivo je: da je L.Lj. učestvovala u pregovorima u vezi sa ugovaranjem zdravstvene zaštite kao i u izradi i dopuni kriterija, standarda i normativa za ugovaranje programa zdravstvene zaštite sa zdravstvenim ustanovama koje su se uredno javile na javni poziv, da je provedena procedura i da su svih 11 prijavljenih zdravstvenih ustanova zaključile ugovor sa Fondom zdravstvenog osiguranja Brčko distrikt Bosne i Hercegovine, shodno odluci Upravnog odbora o davanju saglasnosti za zaključivanje ugovora sa zdravstvenim ustanovama sa područja Brčko distrikt Bosne i Hercegovine u čijem donošenju je ista učestvovala isključivo u svojstvu izvjestioca.

Komisija za odlučivanje o sukobu interesa osim zaključenog ugovora o zakupu između L.Lj. i M.R., vlasnika PZU-SC „PRO VITA MEDICA“ Brčko, iz sakupljene dokumentacije nije uspjela

utvrditi bilo koje druge dodirne tačke između L.Lj. i PZU-SC „PRO VITA MEDICA“ te nije iz priloženih akata utvrdila povredu odredaba Zakona.

Komisija je postupila u okviru svojih nadležnosti i nije stoga ulazila u segmente iz prijave koji su iz nadležnosti drugih nadležnih organa.

Kako u provedenom postupku nisu utvrđeni elementi kršenja zakonskih odredbi, Komisija cijeni da ne postoje zakonski osnovi za dalje vođenje postupka, te je odlučeno kao u dispozitivu ovog Zaključka.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

- Putem oglasne table,
- Internet stranici Komisije,
- Evidenciji i
- Arhivi.